

PHETHAGATŠO YA KAONAFATŠO YA DITAETŠO TŠA MOTŠHELO

Tshwane, 8 Disemere 2021 - SARS e tla tsebagatša diphetogo tša mokgwatšhomo wa yona go tloga ka la 1 Matšhe 2022 go thibela balefela motšhelo bao ba amogelago letseno go tšwa go methopo ya go feta o tee, gape fao e lego gore enngwe ya methopo ya letseno e lego sekhwama sa go rola modiro, yeo e fetšago e le sekoloto se se golo seo se lefelwago go SARS morago ga tekolo ya dipušetšo tša bona tša motšhelo wa letseno.

SARS e lemogile gore sekoloto se se golo sa motšhelo se ka gola mafelelong a ngwaga ge methopo ka moka ya letseno e kopantšwe go bapetša letseno la go tšhelelwa le metšhelo yeo e swanetšego go lefelwa. Go fetola se, molao wo o tsebagaditšwego mankgapele o dira dipeelano go SARS go bapetša phethagalo ya tekanyo ya motšhelo mabapi le mešomo ya go kopanywa le/goba methopo ya phenšene ya letseno la molefela motšhelo.

Tekanyo ya phethagalo ya motšhelo e theilwe go data ya bjalebja yeo e hwetšagalago go SARS gomme tekanyo yeo e tla fiwa go sekhwama sa go rola modiro bakeng sa morero wa go tshwarelela PAYE yeo e theilwego go data. Tekanyo yeo gomme e hwetšagala ka e@syFile™ go mongmošomo gomme e tla dirišwa fela go balefela motšhelo bao ba nago le letseno la motla o dutše.

Mokgwatšhomo wa SARS PAYE o dumelela gore molefela motšhelo a kgone go dira kgopelo ya go tšheledišwa kgwedi ka kgwedi ka tekanyo ya godimo gore motšhelo ofe goba ofe wo o swanetšego go lefelwa mafelelong a ngwaga o lefelwa ka maleba. Le ge go le bjale, balefela motšhelo ba ba ntši bao ba welago ka go legoro le ga ba diriše boikgethelo bjo.

Khomišinare wa SARS Edward Kieswetter o boletše gore setheo se dula se ikemišeditše go fana ka tlhaloso go balefela motšhelo ka ga boikgafo bja bona bja semolao. SARS gape e leka ka maatla go nolofaletša obamelo ka diphetogo tša mokgwatšhomo tše bjalo ka tše.

Go hwetša tshedimošo enngwe, ikgokaganye le Sarsmedia@sars.gov.za